



Saksframlegg

Revidering av "Prioritert handlingsprogram" i kommuneplan for idrett, fysisk aktivitet og friluftsliv 2021-2024 - ny handsaming

Samandrag:

Saka gjeld framlegg til revidert handlingsprogram for ordinære anlegg og nærmiljøanlegg.

Når saka var lagt fram for politisk handsaminga, så hadde det ikkje kome inn forslag på andre tiltak enn det var i gjeldande handlingsplan. Men under politisk handsaminga i utval for næring, kultur og idrett, så var det forslag om å ta ut «Nyskapande aktivitetsarenaer» frå handlingsprogrammet. Under handsaminga i kommunestyret kom det inn forslag om å ta inn «Tursti Kvalsvikeidet – Muletua» samt at Gurskøy IL i ettertid også har bedt om at prosjektet «Tursti på Leikongsætra» blir teke med i handlingsprogrammet. Desse tre tilleggspunkta blir lagt fram som tillegg til handlingsplanen.

Kommunedirektøren si tilråding:

Herøy kommune vedtek i medhald av pbl. §11-4 å gjere ei avgrensa revidering av handlingsprogrammet for kommunedelplanen for idrett, fysisk aktivitet og friluftsliv 2021-2024 slik det ligg føre i framlegget.

Det blir vedteke følgjande tillegg til handlingsprogrammet:

1. Prosjektet «Nyskapande aktivitetsarenaer» går ut av handlingsplanen
2. Prosjektet «Tursti på Leikongsætra» går inn på handlingsplanen, etter prosjektet «Tursti rundt Myklebustvatnet»
3. Prosjektet «Tursti Kvalsvikeidet – Muletua» går inn på handlingsplanen, etter prosjektet «Ny sløyfe rundt Grøneåsen/Leikong».

Saksopplysningar:

Kommunedelplanen for idrett, fysisk aktivitet og friluftsliv har si hovudrullering kvart 4. år – dette i tillegg til den årlege rulleringa av handlingsprogrammet for ordinære anlegg og nærmiljøanlegg.

Kommunen har vedteke eit planprogram for hovudrulleringa nå i 2020, og vil difor bruke 2021 til å arbeide med dette viktige arbeidet neste år.

Vedteken kommunedelplan og årleg rullering av handlingsprogrammet er ein føresetnad for at idrettsanlegg kan søkje om spelemidlar. Sist godkjende plan er «Kommunedelplan for idrett, fysisk aktivitet og friluftsliv 2011-2014».

Søknad om spelemidlar skal vere kommunen i hende seinast 1. oktober kvart år, men fristen var i år utvida til 10. november 2020. Til orientering så er ordninga med idrettsfunksjonell førehandsgodkjenning avvikla for anlegg som ikkje er oppstarta før 15. juni 2019 – følgjande anlegg er det planlagt om å søkje om spelemidlar på nytt for i 2021:

- Nyskapande aktivitetsarenaer
- Tursti rundt Myklebustvatnet

Dei andre søknad om spelemidlar i det vedlagte handlingsprogrammet skal berre fornyast, og her har alle aktuelle søkjarar fått påminning av kulturkontoret om å fornye sin søknad på søkjarportalen, som er anleggsregisteret.no, innan 1. desember 2020.

Ved behandling av denne saka i utval for næring, kultur og idrett den 25. november 2020 vart det vedteke å ta ut «Nyskapande aktivitetsarenaer», som låg inne som punkt seks i handlingsprogrammet. Under handsaming av saka i kommunestyret den 26. november 2020, var det forslag frå Eilert-Geir Kvalsvik (Folk) om å ta inn:

- Tursti Kvalsvikeidet – Muletua (steinlegging av utsatte parti)

Når det gjeld søknad om spelemidlar, så føresett det at prosjekta har ein søkjar som kan er ansvarleg for finansiering og gjennomføring av prosjektet, og dette må på plass før søknaden blir sendt inn til fylket, men prosjektet kan likevel liggje inne i handlingsprogrammet.

Under handsaming i kommunestyret den 26. november 2020 vart det fremja utsettingsforslag av Bjarne Kvalsvik (Folk). Kommunestyret vedtok å utsette saka og sende den tilbake for ny behandling.

Kommunen har i etterkant av søknadsfristen motteke innspel frå Gurskøy IL om ønskje om å ta inn følgjande prosjekt i handlingsprogrammet, med kostnadsramme på kr 2,6 million og der det blir søkt om spelemidlar med kr 1 million:

- Tursti på Leikongsætra

Det blir orientert om at kommunen har informasjon om spelemiddelsøknader på sine heimesider, og det blir kvart år i tillegg opplyst om fristen for å sende inn slike søknadar. Denne fristen vart i år utvida til den 10. november 2020, utan at kommunen mottok søknadar innanfor fristen.

Sidan kommunen ikkje hadde motteke nye søknadar til handlingsprogrammet, så var det ikkje behov for anna enn å leggje fram handlingsprogrammet til rullering. Kommunedirektøren vurderer det likevel slik at sidan det ikkje er nye prosjekt som konkurrerer om prioritering, så kan dei to turstiprosjekta, som kom inn etter fristen, leggjast inn i handlingsprogrammet.

Det vil her vere naturleg at «Tursti på Leikongsætra», som har ansvarleg søkjar og finansiering, blir prioritert etter dei andre prosjektet med finansiering – det vil seie etter prosjektet «Tursti rundt Myklebustvatnet». Vidare at prosjektet «Tursti Kvalsvikeidet – Muletua», som ikkje har oppgitt ansvarleg søkjar eller finansiering, blir prioritert etter prosjektet «Ny sløyfe rundt Grønåsen/Leikong».

Vurdering og konklusjon:

Kommunedirektøren foreslår, i medhald av §11-4 i plan og bygningslova, at handlingsprogrammet i kommunedelplanen for idrett, fysisk aktivitet og friluftsliv 2021-2024 vert vedteke slik det ligg føre – med eventuelle tillegg som blir vedteke i kommunestyret.

Likestillingsmessige sider ved saka: Ingen kjende

Konsekvensar for folkehelsa: Tiltak er positive for folkehelsa

Miljøkonsekvensar: Ingen kjende.

Økonomiske konsekvensar: Auka driftsutgifter knytt til tilskot og forskotering

Beredskapsmessige konsekvensar: Ingen kjende

Konsekvensar for barn og unge: Positivt for helse og samhald:

Trond Arne Aglen
Kommunedirektør

Saksbehandlarnamn
Saksbehandlartittel